

Диққат! Ўзбекистон Республикаси Инновацион ривожланиш вазирлиги танлов эълон қилади!

Ўзбекистон Республикаси Инновацион ривожланиш вазирлиги ва Шўрланиш шароитида биодехқончилик халқаро маркази (ICBA) биргаликда “Орол денгизи минтақасининг шўрланган ерларида Инновацион стартап лойиҳалар танлови” (<https://mininnovation.uz/uz/competitions/2103>) эълон қилинди.

Image not found or type unknown



Мазкур танлов, Ўзбекистон Республикаси Инновацион ривожланиш вазирлиги ва Шўрланиш шароитида биодехқончилик халқаро маркази (ICBA) ўртасида имзоланган грант маблағларини ажратиш тўғрисидаги шартномага мувофиқ амалга оширилади.

Тақдим этилган ишларда Оролбўйи минтақаси шўрланган ерларида мавжуд муаммоларни инновацион услублардан фойдаланган ҳолда ҳал этишнинг амалий ечими таклиф этилиши лозим. Саралаш жараёнида танлов экспертлар кенгаши қўйилаётган масаланинг долзарблиги, аниқлиги, замонавий илмий методологиядан фойдаланганлиги, тадқиқотчининг тажрибаси каби мезонлар асосида баҳолайди. Танловга тақдим этиладиган инновацион стартап лойиҳалар қуйидаги шартлар бўйича баҳоланади:

Орол денгизи қуришининг салбий оқибатларини юмшатишга қаратилган энг яхши стартап лойиҳа;

Оролбўйи минтақаси шўрланган ерларида экологик ҳолатни яхшилашга қаратилган энг яхши стартап лойиҳа;

Орол денгизининг қуриган тубида флора (ўсимликлар) ва фауна (ҳайвонлар) дунёсини ривожлантиришга қаратилган энг яхши стартап лойиҳа;

Орол денгизининг қуриган тубида тупроқ шўрланиши ва иқлим ўзгаришига қарши инновацион технологияларни ишлаб чиқишга йуналтирилган энг яхши стартап лойиҳа.

Танлов натижаси бўйича лойиҳаларни амалга ошириш учун Инновацион ривожланиш вазирлиги ва ISBA халқаро маркази биргаликда жами 100 минг АҚШ доллари қийматидаги суммада грант маблағи ажратади.

Тақдим этилган лойиҳалар www.tanlov.mininnovation.uz веб-портали орқали 2020 йил 15 июль соат 18-00 га қадар электрон рўйхатдан ўтиши шарт. Электрон рўйхатдан ўтмаган лойиҳалар танловга қабул қилинмайди.

Танлов натижалари Инновацион ривожланиш вазирлигининг расмий веб-сайтида эълон қилинади.

[Хужжат шакллари](#)

Қўшимча маълумот учун:

Тел.: +99871 2274317

Расмий сайт: www.mininnovation.uz